

ԼՈՒՐԵՐ ԳԵՐՄԱՆԻԱՅԻ ՀԱՅՈՑ ԹԵՄԻՑ

1999 թ. մայիսի 11-ին Գերմանիայի հայոց առաջնորդ Ս. Գարեգին արքեպս. Բեքյանը, Դոգեշնորի Ս. Սերովբե վրդ. Իսախանյանի ընկերակցությամբ, Բեռլինի Ա. Խաչ եկեղեցում մասնակցեց Ա. Սեղանի ծածկոցների ցուցահանդեսի բացման արարողությանը: Գուցահանդեսը կազմակերպվել էր Բեռլին-Բրանդենբուրգի քրիստոնյա տարբեր ազգերի համայնքների միության կողմից, որի պատվավոր նախագահն է Ղպտի եկեղեցու պետ Ղամիան եպիսկոպոսը և վարչության ատենապետը՝ Դայ եկեղեցու համայնքի վարչության անդամուհիներից տիկ. Սոնա Այբերը:

Գուցահանդեսի բացումը կատարվեց միջեկեղեցական աղոթքով՝ կաթոլիկ, ավետարանական, հայ և ղպտի եպիսկոպոսների մասնակցությամբ, Վիետնամի ու Աֆրիկյան կաթոլիկ համայնքների պատվիրակների երգեցողությամբ:

Այնուհետև առաջնորդ Սրբազանը պաշտոնական այցելություն կատարեց Բեռլինի Ղպտի համայնքի նոր եկեղեցի՝ Ղամիան եպիսկոպոսի առաջնորդությամբ:

1999 թ. մայիսի 29-30-ին Ջյուլի Դայոց Առաջնորդարանում գումարվեց Թեմի Պատգամավորական ժողովը՝ 13 համայնքներից 46 պատգամավորների մասնակցությամբ: Ներկա էին նաև թեմի հոգևոր հովիվները՝ առաջնորդ Ս. Գարեգին արքեպիսկոպոս Բեքյանի գլխավորությամբ:

Ժողովը բացվեց առաջնորդ Սրբազան Դոր աղոթքով: Ապա ներկաներին ողջունեց թեմական խորհրդի ատենապետ դոկտ. Սարգիս Ջեհյայանը, որն իր ուրախությունը հատնեց, որ բոլոր համայնքների պատգամավորները ներկա են և եկել են նոր ու դրական առաջարկություններով:

Նշենք նաև, որ բոլոր համայնքներին նախապես ուղարկվել էին պատրաստված հատուկ հարցաթերթիկներ, որոնք պարունակում էին տվյալ համայնքի գործունեությունը, հաշվեկշիռը, իրագործված ու իրագործելի ծրագրերը, ինչպես նաև մտահոգություններն ու նոր առաջարկները: Այս հարցաթերթիկների պատասխանների հիման վրա կատարված արժևորումները ժողովի աշխատանքին իբրև հիմք ծառայեցին: Նույնպես, համայնքները տեղեկացան միմյանց փորձառությանը:

Բացումից հետո, ըստ օրակարգի հերթականության, Պատգամավորական ժողովի ատենադպիր Դոգեշ. Ս. Սերովբե վրդ. Իսախանյանի կողմից կարդացվեց անցյալ Պատգամավորական ժողովի /1998 թ. նոյեմբեր 29-30/ ատենագրությունը և վավերացվեց միաձայնությամբ:

Այնուհետև դոկտ. Սարգիս Աղամի կողմից ներկայացվեց 1998 թ. տարեշրջանի Առաջնորդարանի գործունեության Տեղեկագրությունը՝ իր հիմնական և կարևոր ուղղություններով:

Առաջնորդարանի նյութական հաշվետվությամբ հանդես եկավ գանձապահ տիար Դերման Օտապաշյանը:

Այս երկու նյութերի շուրջ տեղի ունեցած մտքերի փոխանակությունից հետո, ժողովը զբաղվեց Առաջնորդարանի հետ կապված համայնքների տեղեկագրությամբ, որոնք ներկայացվեցին համապատասխան համայնքների ներկայացուցիչների կողմից:

1999 թ. մայիսի 30-ին, առավոտյան ժամը 10.00-ին, ժողովը շարունակեց իր աշխատանքները:

«Չոգևոր գործունեությունը Գերմանիայի հայոց թեմում 1992-1998 թթ.» զեկուցումով հանդես եկավ Չոգեշ. Տ. Սերովբե վրդ. Իսախանյանը: Այս հարցի վերաբերյալ իրենց կարծիքները հայտնեցին նաև առաջնորդ Գարեգին Սրբազանը և Անուշավան արեղա ժամկոչյանը: Առաջնորդ Սրբազանն ընդգծեց, որ Հանաու և Կյոփինգենի համայնքները շատ մոտ ժամանակներս պիտի մնայուն հովիվներ ունենան:

Օրվա նիստի վերջին հիմնական մասը զբաղեցրեց «նոր ծրագրեր և առաջարկություններ» բաժինը: Այս թեմայով նախ հանդես եկավ դոկտ. Խաչիկ Թաթարյանը, որը ծանրացավ Առաջնորդարանի գործունեությունն ու առաքելությունն առավել աշխուժացնելու և գործնական դարձնելու մի քանի կետերի վրա՝ ներկայացնելով նաև մի շարք առաջարկություններ, որոնց վերաբերյալ տեղի ունեցավ մտքերի աշխույժ և օգտաշատ փոխանակություն, երբեմն նաև հայտնվեցին իրարամերժ տեսակետներ ու մոտեցումներ, որին մասնակցեցին տարբեր համայնքների ներկայացուցիչները:

Փակման խոսքով հանդես եկան ժողովի ատենապետ դոկտ. Սարգիս Բեհյայանը և առաջնորդ Գարեգին արքեպս. Բեքչյանը:

Սրբազան Հայրն անդրադարձավ Առաջնորդարանի հետագա գործունեության հիմնական կետերին՝ շեշտելով Առաջնորդարան- համայնքներ կապը առավել զորացնելու, մեկ մարմին ու ամբողջություն դարձնելու, նրանց շահերն ու աշխատանքները ներդաշնակելու կարևորությունը: Սրբազանը մեկ անգամ ևս շատ կարևոր նկատեց Չոգևոր Ընծայարան ունենալու գաղափարը և Ախշբեղ քաղաքի կաթոլիկ համալսարանի հետ համագործակցաբար նոր, ուսյալ սերունդ պատրաստելու հարցը, մի ծրագիր, որից, ցանկության դեպքում, կարող է օգտվել ոչ միայն Գերմանիայի հայոց թեմը, այլև Հայաստանյայց եկեղեցու բոլոր թեմերը:

Սրբազանն անդրադարձավ նաև Գերմանիայում Հայաստանի Հանրապետության դեսպանության Բեռլին տեղափոխության խնդրին՝ մատնանշելով, որ Առաջնորդարանն իր կարելին է անում՝ նյութապես ու բարոյապես սատարելով Հայրենի դեսպանատանը:

Ժողովը փակվեց առաջնորդ Սրբազանի արտասանած «Պահպանիչ» - ով և համատեղ երգած « Հայր մեր»-ով: